




АКРО по-нашōму

Сто русинських акростихӯв

МИГАЛЬ ЧИКИВДЯ

Мигаль ЧИКИВДЯ

СТО Русинських Акростихів



АКРО ПО-НАШОМУ

2020

Книжка написана на сіверомараморшськѡму гѡвѡрі
русинськѡї бисїды



КНИЖКУ ВИДАНО ЗА ПЃДПОРЫ ЧЕСТУЕМЫХ **ИВАНА ЧУБІРКЫ** ТАЙ
ІГОРЯ КЃПЧИ

©М.Чикивдя, 2020.

ПЕРЕДСЛОВО

Русинська бисіда – найглавна ціннѡсть нашого народа! Говориме нив выд піціцьких до кўнця земного живота. А убы ї сохранили, нам не треба нич діяти тяжкого. Треба долиш бисідовати, як бисідовали наші прадіды, як бисідуєме днись.

Датко каже, ож наша рўдна бисіда, не годна быти у писемнўй фѡрмі, а хыба ї хосновати усно. Но ѡто точно не так! По-нашому мож писати! Мож писати не лише якыйсь примітивный текст, а літературні твори всяких жанрўв.

Є читаво русинських майстрўв слова, кѡтрі пишут прикрасну поезію тай прѡзу. Знавці рўдного слова берут ся не лиш до класичного літературного жанру, ай часто експерементувут. Знаний Александер Хуст пише новелы, Володимир Новак - сонеты, Мигаль Чухран – гуморескы, и сись список годен'им прѡдовжати дѡвго.

«Акро по-нашѡму» мѡя сема за шором книжка. Данѡв рѡбѡтѡв указуву вшиткым, ож як мож писати русинскѡв бисідов у літературнѡму жанрі «акростих». Не похыбит написати, што сякий жанр означат. *Акростих – ѡто літературна форма поезії, де перва буква каждого рядка составляют якыйсь осмысленный текст.*

Книжка, в кѡтрўй подано сто акростихўв – исе є што сь новѡе у нашўй літературі. Исе ищи єден доказ, ож наша річ не якыйись міфічний діалект, а пѡвноцінна слѡвянська бисіда. Рўдна бисіда Карпатських Русинўв!

ДУХНОВИЧ

Духнович - великий наш будитель!
Усокотив древнейший, славный род.
Хоть старав ся згубити го гнобитель,
Но выжив и жиє бідованый народ.
Отцюзнина нигда не забуде,
Великого Русина, што вірно їй служив.
И мы тямім, чисть й хвала нам буде,
Честуйме и вивчайме, тото што вўн творив.

ПОДКАРПАТЯ

Подкарпатя – наша земля,
Озера, долины, широкі поля.
Діво Пречиста, сохрани наш род,
Карпаторусинський бідованый народ.
Арсак розбитый до церкви веде,
Русинське слово жило и живе.
Плекат нас О́тцюзнина єдина,
А ци є штось май сятое діля каждого русина?
Тиса повноводна, села й города,
Ясное туй небо, земля йся сята.

РУСИНЫ

Родом прадідівським нигда не ганьблю ся,
Уродив ся русином, и сим я горжу ся!
Славлю землю рўдную, русинську,
И свою віру давню, материнську.
Навхтема бисїду я буду сокотити,
н**Ы**ні я русин, и докы буду жити!

РОДИНА

Рудна сторона діля кожного сята,
Отцюзнино! Ты у нас єдина!
Держімся в рокаши, не найде нас біда,
И заживе щасливо русинська РОДИНА!
Не забудьме шуга Бѡгу ся молити,
А Христос спасе, не дасть нас згубити!



СВАЛЯВА

Свалява - город меж горами,
Вас всіх обыйме красотами,
А їх там, слава Богу, є!
Люблю Сваляву, другу не найти.
Я люблю уличками рано ся пруйти.
Варош славный до типирь жиє,
А май ліпшого, видав, уже ниє.

ГУСЛІ

Гудачику молодинький, хѡчу заспѣвати,
Узьми в руки свої гуслі, мусиш ми гусляти.
Спѣвав свої спѣваночки и спѣвати буду,
Лише дниськы на свальбині сьѣлько много люду,
Ізобрали твої гуслі, нигда не забуду!

МИХАИЛ ЧИКИВДЯ

Маву чисть писати за народ!
И за горы, сад и полонину.
Хочу восхваляти прадідівський род,
А не брати в голіву всякую чужину.
Истина єдина, и она проста -
Любим сердечно землю материнську.
Чистуйме Вѣтчизну, бо она сята,
И вивчайме, сѣкотім бисѣду русинську.
Култура и традиції – всьому голова!
И я їх хѣчу чесно сокотити.
Воскрешу русинські давні слова,
Дуже они красні, мають дале жити.
Я народу з чествов продовжаву служити...

БУЛІ

Бѣльш нич не люблю я на світі,
У темну нѣчку й світлу днину...
Лиш у хащу зѣбратися у літі,
Іспичи бульок ид ним и солонину.

ЗИМА

Зимова студінь уже настала,
И танцювт у небі сніжинкы.
Малинькым дітям сани дала,
А у шубку вбрала ялинкы.

ЯРЬ

Ясне сонце уже пригріває,
Розцвіли косичкы, трава виростає,
Джміл**Ь**, у саду, ярь вже стрічає.

ГРҀМ

Гуркотит на небі грҀм,
Розколōв ся шумный дзҀн.
пҀшов дале зась удар,
Мусит дощ ся лляти з хмар.

ПІКНИЦЯ

Поросятам нынї прийшōв час,
І минутку не ладиме чикати.
Ковбаса шуга не лакомит бҀльш нас,
Ниськы свїжанину будеме уже мати.
Играт запашна пікниця у буділці,
Цятку з ний уломлю, сяк хōть пару рас,
Ясниньку, запашну люблю й на тарілці.



СІНОКОСЫ

Сонце ясное убікае травы,
І фурт коса у мене у руці.
Нись ніколи выпити и кавы,
Острѹг давно у травах, у вінці.
Копицю ипну уже сьме намитали,
Отаву треба, прийде на ний час.
Стайні сїна файного дѹстали,
Худоб**Ы** пѡвно – радує йсе нас!

ПОЛОНИНЫ

Полонины, зворы, горы,
Озерця, широкі доли.
Любиме річки й дубочки,
Оksamитѡві листочки
Наші рѹдні полонины,
Ипні, ги плоды калины.
Наймиліші дїля русина -
х**Ы**жка, сад и полонина!

МАЛИНЫ

Малина-ростина у садѡчку росте,
Арсак тонинькый до нїї веде.
Любит фурт теплі, літні прѡмінці,
Ипный у ний плѹд й дзьобкаві кѹнці.
Нарву ї пѡвно, пару вержу у рот,
Тарілк**Ы** усї пѡвні - буде и кампот!

БОГРАЧ

Бограч у баняку кыпит,
Ой як пахне! Булькотит!
Газдо, бограч запашный,
Рот го просит, бо смачный!
А кидь є и солонина,
Чекай, зараз в нас гостина!

КАВИЛЬ

Кавиль чорный си зварю,
Ароматный я люблю.
Вун смакує хōть гӯркий,
Ипный дуже и смачный.
Лю у фінджичку не рас
Кавил**Ь** збере за стӯл нас.

ТИХІ ЯСНІ НОЧИ

Тихинька уже настала нӯчка,
Игрило звiзды свiтят у небесах.
Хōчу зась я здрiти в твої вӯчка
Ітак файнинькi вижу лиш у снах.
Яснинький мiсяць засвiтив над нами,
Сидиме мы двоє и журбы ни є.
Нитко не знає, ци ходиме садами,
І шуга не пувiсть, што миж нами є.
Нись цiлу нӯчку будеме мы двоє,
Огнi яскравi танцювут на небесах...
Чекати сонце будеме обоє,
И пуйдеме израна, садочком, по росах.

КАМПОТ

Кампот смачнинький изварю з малин,
Абрикосів, яблычок, чиришинь, яфин.
Малинько з смородины и ягудкы-суніці,
Повно пак банок маву у півниці.
Ой який смачний! Хочу фурт го пити.
Такый вун запашный! Як го не любити?

СОЛОНИНА

Солонину и сыриць досігав з торбинкы,
Огинь красно загурів - тріскотят іскринкы.
Лишило ся из ліщанкы вытяти рожен,
Ой як файно я заїм й сяду си пуд клен.
Ниськы маю серенчу й дуже файну днину,
Ипну, добру, запашну спіки'м солонину.
На стулі ищи булькы, сыр и цибулина
А я наллю йщи вина, туй и є гостина.

АДЖІКА

Аджіка файно пахне, зварила ся мўцна,
Дуже она остра, выд пирцю запашна.
Жаль не розмолоти червену парадичку,
І вўсту улляти, досігав скляничку.
Красно білу скыбку нию намащу,
Аджіка буде 'д булям, мнясу вадь борщу.

ХЛІБ

Хыжку нап̄вняє пышный аромат,
Лише хліб печеный на усьо багат.
Із ним каждая страва усе май смачнинька,
Бўльш за всьо смакує скыбочка білинька.

АРСАКЫ

Арсаки розбиті хащами ведут,
Рясні травы и смерічки коло них р̄остут.
Сіно, отавы, дрыва - усьо ними возили,
А типирь путе ни є, вшидко запустили.
Кидь ты хочеш дись п̄ти з шир̄ок̄ой долины
Дорог**Ы**тя поведут х̄оть и в полонины.

БУКЎВЧИК

Бук̄ўвчик малинькый п̄д буком росте,
У густ̄ум хамничку и по долах.
Косиця пахняча коло нього цвіте,
п̄**У**ду за ним п̄ всїх горах.
Вўн файно ся спрятав, п̄д вялі листочки,
Чекат, к̄ой п̄де у кошарчик.
Із грибом біжу через зворы й мосточки
Красного не має й базарчик.



ДИЧКА

Дичка у саду росте,
Ипный плўд, медовый.
Чекав з радостьов, усе,
Красный фрукт, чудовый
Ароматнинький, здоровый!

ГРЕЗНО

Грезно красне достигає,
Росѡв файно ся вмыває.
Енергўйный має сок,
Зїм я много бѡрбульок.
Начне грезно пак бродити,
Одкрыв бѡчку й буду пити.

СНІЖИНКА

Снїгом білинькым накрыв
Наші горы, долины, пѡля.
І мороз оболочок укыв,
Жарко лиш у шпѡрі, де хыжка моя.
Ипно усьо у зимі забіліє,
Наш двориць буде фурт у снїгу.
Красно огинь загорит, вадь затліє,
А вина выпю фінджу єдну.

КОСИЦІ

Косичкы весняні рōзцвітавут у садōчку,
Оksamит зелених трав лїгат до потōчку.
Сонце зрана засвітило, роса пропадає,
И джмўль ведно из бджолōв нектарик збирає.
Цвітут файно косичкы, люблю їх красу
І тот пышний аромат, й раннюю рōсу.

ЯЛИНКИ

Ялинка зелині высōкі рōстут,
Лїсови карпатськōму красы додавут.
Ипні й дуже пышні, де лиш не пўти,
Найлїпших выд них не годин'им найти.
Красні горы у яри, восени и в лїтї,
Карпат**Ы** наші рўдні - лїпшії на свїтї!

ЛИСИЦЯ

Лисиця хытринька долино̄в бїжит,
Ипні в ний очи и хвостик.
Судїнь давно и сильно снїжит,
И, вижу, бона йде через мостик.
Цариця голодна буде ид курьом ходити,
Я мушу їх зась сокотити...

СЕСІЯ

Сердце дуже ми ся бє,
Енергії бӯльш ниє.
Скоро вшидко поздаву
І дōмӯв уже пӯду!
Я надію мав єдну...

РЇЗДВО

Рїздво Христове фурт бдеме прославляти,
пїдеме з вертепом днись колядовати.
Звїзда Вефлеємська на небі засвітила,
Дїва Причиста Христа породила.
Вгораздї, сих сяток, мы ся дочекали,
Огникы у хыжи, Бог дай вбы не згасали!

ПОРОСЯ

Поросятко їсти просит,
Ой як голосно голосит.
Рано іло токаниць
Огӯрок и кляганиць
Сяк усе, фурт каждōй днины,
Як живӯт без солонины?

КУНЬ

Кунь ишѡв си через мѹст,
вѹн запхав у вѡду хвѹст,
Найшѡв їсти си травицю,
дниисѢ орати бы землицю.

КОРОВА

Коровиця фурт рычит,
Оком кліпат, меринжит
Рано їла много сїна,
Опять молочко, ги піна.
Вшитку вна пѡїсть травичку,
А пак выпє и водичку.



МНЯСО

Мнясо пышне на тарїлцї
Нам парує ид "гѡрілцї".
Я його си врїжу фурт.
Свинськоє, курячоє, тїлячоє...
О як манит ня пахнячоє!

ПОТЇК

Потїчок фурт шумит в садїчку,
мнѠв крутит, манит в холїдїчку.

Туй одпочиват ми душа.

пѸшѠв и свїт бы убыйшѠв,

Красоты сякѠї я бы не найшѠв.



ТАЙСТРА

Тайстра у руці мїцна,

А у ний кладу вина.

Ймав ся в бѠвті до кѠвбасы,

СѠку взьму и ананасы.

Треба ми ся закупити...

Рыба в мене й цибулина,

А вто всьо несе тайстрина.

КАВУН

Кавун у бѠвтови лежит,

А як наганят апетит!

Вун величезный полосатый.

Упять купив им, в пѸвницю'м дїв,

Но нашто на нѸч я го їв?

СОНЦЕ

Сонце гріє, ги на зло,
Огньом стелит ся тепло,
На хащі, сады, пōля...
Цїна сонечка велика -
Енергійна спека дика.

МАЦУР

Мацур лїниво двѳрцьом иде,
А може мышку днись найде?
Царьом ся видит, муркотит.
У стайни вд' мōлōку летит,
Рыбка му й мнясо не похыбит.



ТОПЇР

Тōпур усе є изомнōв,
пўшōв'им зась колоти дрōв.
Пōвно їх пак складу у дрыварню.
пўду тōпўр, пак вечером, гострити -
Рано кōвбиці треба бы троцтити.

МОТЫКА

Мало прӯйде вшиткым час,
Опять галаман у нас.
Треба йти ся паровати
мот**Ы**кы та ярьовати.
Кошары всі позносити,
А пак зачати ямчити.

КОПИЦЯ

Копиця ипна при дōрōзї
Огньом блистит ся на морōзї.
Припала дуже бїлым снїгом
Итак ї треба, первым дїлом.
Цїлу зиму, у двѳрци, не може стōяти
Я худōбу мушу чимось годовати.



ЦУНДРА

Цундра прӯйти ся дниськы не забуде
Усе сяк робила и робити буде.
Нынї зась щōсь чекат, аж кыпит ї крōв
Добре, што'м ї лишив, гет выд ний пўшōв.
Ракашуй ся з цїмборками, бўльше ми не лай
А «любōв» дешево вшиткым продавай.

ПИСЬМО

Письмо не йде ти пару дн̄в
И я печатав пару сл̄в.
Сякий у нас типирь прогрес -
поштар**Ь** кляне аж до небес!
Мы пишеме си в месенджи́ рі,
Од поштар̄в закрыті дви́ рі.

ТРАВА

Трава по п̄лю ся лишила,
Рос̄в израна ся помыла
А косичок миж нив ние.
Вна до чуре давно ся просит,
А жаль, никто єї не косит.

БРИХНЯ

Брихню ми будеш говорити,
Раз-другый тоже сяк робити.
И вшитко вто я файно знаву,
Хо́тя дале, зась тя убнимаву.
Но бріхльов будеш на усе,
Я фурт тямлю усьо исе.

ФІНДЖА

Фінджу чаю маву на стулі
І штось солодке треба бы мині.
На нӯч сьак я люблю фурт сидіти,
Дале коло шпора мало ся пōгріти
Жаль, ош ты выд ня далеко, дуже жаль
А сьак єден лиш мушу пити чай.

— СТИХ ПЯТИДИСЯТЫЙ —

ОГИНЬ

Огинь накладу си у динь,
Горит у шпōрі сухый пинь
И вӯн дає ми *фурт тепло.*
Настали ныні холода,
Не задер**ь** я колōв дрыва.

СНІГ

Снїжком укрито поле вшитко,
Нам файно полонину видко
І там давно уже зима,
Гранкы укрыла ипно вна.

СОН

Спати ляжу, бо п̄чав'им дримати,
Огинь у шп̄рі тихо тріскотит.
Нӯч морозно-зимна сон ми подарит.

ВОДА

Вода у нас усяды:
Озера, зв̄р, ріка...
Долиш ци сохрани́т ся?
Ай чиста буде о́на?

ПОПРИ́Г

Пекуча туйкы не єдна,
Огньом пропитана о́на
Парує ся ид солонині,
Раз-два ї вырву си у жмині,
И фрыштик нарас на ст̄лі!
Газдынi складут у банкы'
А датко вішат на ниткы.



УБРУСЯ

У вазōвці убруся,
Бо нись ріжу порося.
Руки буду утирати,
Убы білі, чисті мати
Сцяпкала го свинська крōв
Я го завтра пак помыв.

ДОЛЯ

Доле мōя, доле,
п**О**вно біды маву.
Ліпше коли сь буде?
Я ōто не знаву...

ЦІМБОРЫ

Цімбōрӯв в ня мало,
І сьўлько треба їх.
Минї из ними добре,
Бо люблю їх усіх.
О Боже сокоти їх!
Рōбіт, живіт, любіт,
цїмборик**Ы** мōї, лиш ся сōкōтїт!

ГАТІ

Гаті теплі си натягну,
А ид ним сѳрѳчку файну.
Так на двѳр си мож ити,
І як в студїнь без гати?

ДИКУН

Дикун у звѳрі дниськы спав,
И ипно пак паллак з орав.
Кидь грубый гучок на вто є!
Ушиткы хащу бы вбыйшѳв,
Наїсти ся, кобы найшѳв.



ГРИБЫ

Грибѳчкѳв файных березовых
Ранинько найду тай буковых,
И ипні взьму си кошары.
Буде пак што ми хосновати,
кобѳ лиш пѳвно назбирати.

БАЗАР

Базар у Сваляві выд рана:
Абрикосы, мнясо є и кава,
Закупиш ся ты точно туй.
Абсолютно всьо си мож найти
Рано ни пōлінууй ся лиш прийти.

ПЌСТІЛЬ

Понадвичӯр пōстіль розтеляву,
пӯш **Ќ**в'им спати, сил уже не маву.
Сон ид ми прийшōв, закрываву очи,
Так я фурт усну, у темнинькі ночи.
І сяк усе є, нӯч за нӯч...
Лиш ї зрана гия ипно застеляти,
Напōслід **Ь**, увичирі, вбы пак файно спати.

КУШНІР

*Присвячуву дōбрōму цїмборови Иванови
Кушнїру*

Красный и рōзумный чōлōвїк,
Ушитко майте! Жийте дōвгый вїк!
Шана' Вам из каждого двора'.
Не лиш сьте наставник й добрый цїмбора'!
І сяких, ги Вы, жаль, ош бӯльш ние,
Радый'им, ож цїмбор сякый у мене є.

АЛІНА

Аромат солодких губ, у літі,
Люблю я май дуже в світі,
І блиск, *ги* небо, *голубых* очий.
Найліпшої для мене вже ниє,
А лише ты, така в ня красна є...

ТІНЬ

Тінь из дерева паде
І май добре ми буде.
Ниськы дуже щось жара,
он **Б** аж мокрі ми брыва.

СТАЙНЯ

Свинчата туй сут малі,
Тай коровы, даже дві!
А из бōку и телята
Й малисинькі ягнята.
Недалеко кури сут,
Яйця каждый динь несут.

ПОГАРЫ

Пийте, хл̄опці, си винця,
Онь ушитко, до динця.
Гинде є и солонина,
А до ний и цибулина.
Раз узьмім вже погары –
гостин**Ь** на всі двори!

ЯЗЫК

Я знаву много што казати,
За тым пак дуже банувати.
яз**Ь**к ми рідко цїмбора,
Кидь є и хужый за врага.

КЌГУТ

КЌгут в нас читавый усе,
Ќпять зрана устає.
Гет писаний вўн й тучный.
Ушитка їсть ся днись їда,
Такый у потачи газда.

МІСЯЦЬ

Моцний, п̄вний в небесах,
І довкола у дзвіздах.
Світит фурт си в̄н на путь,
Ясно коли двоє йдуть.
Ци щось видит, кой сидит?
Місяц**Ь** видит! Лиш м̄вчит.

КНИЖКА

Книжку зась я выдкрываву,
Ниськы си о̄пять читаву.
И кидь є сись інтерес,
Живот п̄де на проґрес.
Кажу, гия нам читати,
А пак п̄вно, много знати!

ВЇЧАР

Вїчарі овиць видут,
в̄ці бігнут и пасут.
Через доли и гранкы...
А пак з урд̄ов наробляти,
Рано треба уставати.



ХАМНИК

Хочу грибів назбирати,
А зрана мушу встати.
Межи бучом сут грибочкы,
Не лиш білі, а и квочки.
И мож півно си найти,
Кидь хамник гет убыйти.

ДИНЬ

Дниськы треба ми робити,
И молоти, и косити.
Най лиш буде зō мнōв Бўг,
Динь прожити вбы пōмўг.

ЛЕКВАРЬ

Лекварь им принїс из слив,
Ейбо скыбку м намастив!
Кить май задобрити рот,
Влю у фінджу си кампот.
А ци йсе не смокота?!
Рас я ним ся задобрив,
Нись им тоже хліб мастив.



СОТИНЫ

Сяк спиршу бы зачинати:
Ораня пак фрезовати,
Та садити бы булькы,
И у шорик пасулькы.
На ъто сотины й сут -
газдЫ ярьовати йдут.

ХЫЩИНА

Хыщина близько выд чуре,
газдЫня з ний на кѡвпут йде.
Щіпкы, булькы, бурак, ги пан
И свиня'м туйкы є токан.
Находит ся туй што лиш треба,
А чиром пахне ѡнь до неба.

ПАСУЛЯ

Посажинї давно уже булькы,
А по тычу вют ся пасулькы.
Сяк много тыча нисє, видав, ниґде ,
Уже пак скоро рвати ся буде'.
Любиме пасулю, сербати и їсти,
Я ї тоже люблю, годен'им пувісти.

ОТАВА

Отавы в пѡлю'м закосив,
Та вшитку в чурь'им поносив.
А вна худобі пахне як!
Внну, у яслі, буду пак митати,
А корова файно молока давати.



КАВИЛЬ

Кавиль хѡчу си зробити,
А пак мало й пѡцукрити.
Выпью, убы силы мати
И пак красно газдовати.
Люблю пити го усе,
дин**Ь** из ним минї иде.

ТОКАН

Токан в хыжи ся варит,
О як запах зась летит!
Кругом пышный аромат!
А сыр баба наладит,
Най їда у рот летит.

ПОЦКО

Цімборови, фотохудожнику Миколі

Подкарпатя вўн надїя,
Образчик – його стихїя!
Ци є дагде май талант?
Коля – чолівік огинь!
Образчики – каждый динь...

МИГАЛЬ

Цімборови

Міша Бута - цімбора!
И кидь стане ся біда,
Ги вта блискавка иде,
А тай пива фурт бере.
Лигінища – круглі дні,
люблять **Б**го дівкы усї.

СВІЧКА

Світло перше выдключили,
Всї стовпы ся погасили.
І у хыжи темнота,
Чикай, свічка є ѓта.
Кынь ся, треба запалити,
А пак мож и говорити.

ХЫЖА

Хыжа мѡя при садѡчку,
ластѡвк**Ы** спѡвавут у садѡчку.
Живу туйкы тай ґаздув,
А што сь мало и мудрув.



ГРАНКА

Горы наші зеленинькі,
Рѡстут дерева файнинькі.
А мож свѣт гет убыйти,
Но штось лѣпше не найти.
Кажда гранка красота,
Аж ня манит фурт она.

МОЗґЫ

Много бисїд фурт будут,
Ож мозґы не в вшиткых сут.
Зашто я Вам так пѡвїм:
Газды будут ґаздовати,
голов**Ы** кобы лиш мати.

БОРОДА

Будут ми мнѡгі казати,
Ож не буде паровати.
Росте файно не в усіх.
Ото й миригує їх
Датко не пойме, не чує.
А міні ѡна парує.

ТУЧА

Так далеко загриміло,
Усьо небо пѡчорніло.
Чикай, туча вже иде,
А пак ляти туй буде.



ФРІШНО

Фрішно ныні, студино,
Рано долиш йсе єдно.
І кидь хочеш дись ити,
Шубу мусиш узяти.
Ногы вбы не пѡзябли -
Обув теплу натягти.

ГАЗДА

Газда наш фурт жиє-мудрує,
А коло хыжі все газдує.
Зд̄ор̄овля й дале кобы мав...
Держати хоче всьо в п̄рядку,
Ай мати дома пікниць грядку.

НОГТІ

Ногті жоны парадят,
О бо як ъни чудят.
Господи, помилуй їх!
Точат, пилят їх май пак
І пак ллют усякый лак.

ДОЩ

Дощ у силу нись паде.
О ба що исе буде?
Щи из чорных хмар уллє?

ГАЗ

Газ типирькы дефіцит,
А кидь п̄вно нагорит,
Зась ся доста заплатит....

БОЛОТО

Боле зась уже паде,
Обув лепава буде.
Лопну дале у калы,
Осякі типирь шоры!
Треба файно обходити,
Опять вбы ся не мастити.

БАНК

Бўльше гроши хōчу мати,
А не фурт ся убзирати.
Но та все сōбі гадав,
Кидь бы'м дома банк си мав

СНІГ

Сніг днись яв зась прōлітати,
Нашу землю укрывати.
Імороз за ним иде,
Гет нам студино буде.



НУЧ

Нучка темна йде в двора,
внучкам спати вже пора,
Чекат рано й пак дрыва...



СМОЛІ

Сночи'м в студини ходив,
Мало'м ся вже прѣстудив,
Они туй уже, ги туй...
Ліпше было позирати,
І вбы нус пак не втирати.

— СТИХ СОТЫЙ —

РОСА

Рѣстут травы по полях,
Отавы дись пѣ лісах.
Слызинкы по них дребинькі,
Айбо здріт, які файнинькі!

ОПОВІДКИ

Ваня Вацюк, вечером, вийшōв выгуляти вўвчарку.
Выйшōв великым вирьхом, видит впали
высōхші велечизні вўльхы. Вітер, видав, вбалив ...
Вўн всмак выпив виноградного вару, вийшōв
вандровати весело в вирьх. Вўвчарка выдыхалася, вже вуліє
выддыхнути.

Вни ворохом вийшли выще, видят, вказалися вўці, вўчарь.
Впознав Ваня, вўчаря Василя. Вўн вже варит вичирю,
выблискує ватра. Василь выцірятся, выгōйкнув: «Валōвшенись,
Ваня, вечером в вирьха выбігнути? Видав вадасуєш!» Вацюк
выдпувів «Встаньте, выпєме вина!» «Вина, вадь варенкы», -
весело выгōйкнув вўчар, втиравучи вōлōся.

Выпили, выговорили вшитко, вывели выдданиць...

Пӯшб Палий пити пиво, припочити пӯсля прошедшого пблудня. Пораз пив пӯвдецы палинки. Паскудно пӯшла, помалы промыкав. Пак перекусив пахнячым пончиком, помастив повидлом палачінты. Перфектний перекус!

Пилувчися пӯбіг пўлляти погороднину. Пўлла поприга повырастала, потычив пасулю – пўлла, парадичкы посохли, петрушка пропала – погана пора!

Поланя прощена позирала, полола, пўдгрібала. Пропала пбмўч Палийола, пропала...

Пўміняв Петро пбмўст поросятam, пбдумав про пбстіль. Парна пухнаста, пўд паплан пўти... Пак пбтбму... Просто пбвно планує, поробит – потемок.

Потач пбвний, панський! Піцконят пїтята, повырастали перепїлки, пасут при погороднині пулькы.


Петро покосив попри потока, прибуліли плічі. Подостигали персики, пўрвав, пбніс помыти.

Перше пблучив письмо, поштарька принисла. Побисїдовали про порядкы, пак пўшли пб путьови.

Пбвтирав Палий пот, пбдумав: «Парша постричи пўду... Пак...». Парит, погода пбхмура прийде, по полонинах паде. Погано, прбтїкат Петрўв плафон.

Паскудні порядкы. Поланько, прийди, поможи...

НАКУРТО ПРО АВТОРА



Мигаль Чикивдя – русинський поет, публіцист, збирач народного фольклору.

Член Свалявського общества Подкарпатських Русинов (2016),
Союза русинських письменників Закарпаття (2017), НСЖУ
(Національна спілка журналістів України) (2020).

Типирь Чикивдя активно ся занимає поезією, пише історичні та етнографічні очерки май більше про рідну Боржавську долину. Досліджує народні називки русинів Подкарпаття, переписи людности Русинії, збирає народний фольклор.

ЛІТЕРАТУРНИЙ САЙТ АВТОРА: <https://issuu.com/tchikiwdyamv.rysin>

АКРО ПО-НАШОМУ

ПРИСВЯЧУВУ ПАМНЯТИ УЙКОВИ КІКАЛУ МИГАЛЮ

Авторське право © Михаїл Чикивдя
Верстка Иван Бинячовський
Формат А-4 Типографія свободной русинської печати
Тираж не ограниченный

